

唐甫里先生文集

三



唐甫里先生文集卷之八

笠澤陸龜蒙字魯望

七言八句詩

二遺詩

并序

二遺者何石枕材琴薦也石者何松之所化也松者何越之東陽也東陽多名山就中金華為最枝峰蔓壑秀氣磅礴者數百里不啻神仙登臨草

木分惟永康之地亦蟬聯其間中饒
古松往往化而為石盤根大柯文理
曲折盡為好事者得而致於人間以
為耳目之異太山羊振文得枕材趙
鄧李中秀得琴薦皆茲石也咸以遺
予予以二遺之奇聊賦詩以謝

誰從毫末見參天又到蒼蒼化石年萬古
清風吹作籟一條寒溜滴成穿閒追金帶

徒勞恨靜格喜朱絲更可憐幸與野人俱
散誕不煩良匠更雕鐫

鵙鵙并序

客有過震澤得水鳥所謂鵙鵙者
余黑襟青脰碧爪丹喙張救反
鳥音也色幾及
項質甚高而意卑一本戚畏人余極哀
其野逸性又非以能招累者而囚錄
籠檻逼迫牕戶俛啄仰飲為活大不

快真天地之窮鳥也為之賦詩擬好事者和

詞賦曾誇鷦鷯楚角切流果為名悞別滄洲

雖蒙靜置踈籠晚不似閑栖折葦秋自昔
稻梁高鳥畏至今珪組野人讎防微避繳
無窮事好與裁書謝白鷗

新秋月夕客有自遠相尋者作
具體二首以謝

風初寥寥月乍滿杉篁左右供餘清因君
一話故山事憶鶴互應深溪聲雲門老僧
定未起白閣道士遙相迎世間羽檄日夜
急掉臂欲歸巖下行

又

驚聞遠客訪良夜扶病起坐綸巾歌清談
白紵思悄悄玉繩銀漢光離離三吳煙霧
且如此百越深蕘來何時林端片月落未

落強慰別情言後期

閒書

病學高僧置一牀披衣纔暇即焚香閑階
雨過苔花潤小簾風來薤葉涼南國羽書
催部曲時黃巢圍唐州告急東山毛褐傲羲皇升平聞道
無時節試問中林亦不妨

獨夜

新秋霽夜有清境窮檐病客無佳期坐公

把經向石說而我對月須人為獨行獨坐
亦獨酌獨翫獨吟還獨悲古稱獨立與獨
步若比羣居終較奇

寄吳融

字季華

一夜秋聲入井桐數枝危綠怕西風霏霏
晚砌烟華上浙浙疎簾雨氣通君整輪蹄
名未了我依琴鶴病相攻到頭江畔從漁
事織作中流萬尺筵

中秋待月

轉缺霜輪上轉遲
好風偏似送佳期
簾斜樹隔情無限
燭暗香殘坐不辭
寂愛笙調聞北里
漸看星澹失南箕
何人為校清涼力
未似初圓欲午時

重憶白菊

蜀本作兩絕

我憐貞白重寒芳
前後叢生夾小堂
月朵暮開無絕艷
風整時動有奇香
何慙謝靈

清才詠不羨劉梅貴主粧更憶幽窓凝一
夢夜來村落有微霜

別墅懷歸

水國初冬和暖天南榮方好背陽眠題詩
朝憶復暮憶見月上弦還下弦遙為晚花
吟白菊近炊香稻識紅蓮何人授我黃金
百買取蘇君負郭田

寄淮南鄭賓書記

記室千年翰墨孤。唯君才學似應徐。五丁
驅得神功盡。二酉搜來秘檢疎。場帝旂櫓
留澤國。淮王牋奏入班書。清詞醉草無因
見。但釣寒江半尺鱸。

小雪後書事

時候頻過小雪天。江南寒色未曾偏。楓汀
尚憶逢人別。麥壠唯憑欠雉眠。更擬結茅
臨水次。偶因行藥到村前。隣翁意緒相安。

慰多說明年是稔年

寒夜同襲美訪寂上人

月樓風殿靜沈沈披拂霜華訪道林鳥在
寒枝棲影動人依古堞坐禪深明時尚阻
青雲步半夜猶追白石吟自是海邊鷗伴
侶不勞金偈更降心

和江南道中懷茅山廣文南陽
博士三首

一片輕帆背夕陽望三峯拜七真堂

三茅二
許一陽

一郭是
為七真

天寒夜澈雲牙淨雪壞晴梳石髮香

自拂煙霞安筆格獨開封檢試砂牀莫言
洞府能招隱會輾飈輪見玉皇

又

壺中行坐可携天何況林間息萬緣組綬
仕垂三品石珮環從落四公泉丹臺已運
陰陽火碧簡須雕次第仙

廣文王季
猶在場中

想得雷平

春色動五芝煙甲又芊綿

又

良常應不動移文金醴從酸亦自醺

達某公
洛廣休

此金醴四外待主

薄主薄其歲桂父舊歌飛絳雪桐孫新韻倚玄

雲春臨柳谷鶯先覺曙蘊蕪香鶴共

聞珍重雙雙玉條脫盡憑三岳寄羊君

早春雪中作吳體寄襲美

迎春避臘不肯下欺蒼凍草還飄然先填

馬窟蓋塞外勢壓鶴巢偏殿巔山爐癭節
萬狀火星突乾衰孤穗煙君披鶴氅獨自
立何人解道真神仙

和吳中言情見寄韻

孤煙蘆雪是懷鄉釣線隨身好坐忘徒愛
右軍遺點畫閒披左氏得膏肓無因月殿
聞移屨祗有風汀去採香莫問江邊漁艇
子玉皇看賜羽衣裳

和楊州看辛夷花韻

柳疎梅墮少春叢
天遣花神別致功
高處朶稀難避日
動時枝弱易為風
堪將亂藥添雲肆
若得千株便雪宮
不待群芳應有意
等閒桃杏即爭紅

和行次野梅韻

飛棹參差拂早梅
強欺寒色尚低徊
風憐薄媚留香與
月會深情惜艷開
梁殿得非

蕭帝瑞齊宮應是玉兒媒不知謝客離腸
醒臨水剛添萬恨來

和暇日獨處見寄

謝府殷樓少暇時又拋清宴入書帷三千

餘歲上下右八十一家文字奇

司馬遷書上下紀三千餘歲太

率

玄有全二家廟壽字冷夢漢臯懷鹿隱靜憐煙島覺鴻離

知君滿篋前朝事鳳諾龍奴惜與窺

和襲美見訪不遇